



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Art. 5. De varietate & efficacia Contritionis.

urn:nbn:de:hbz:466:1-37144

non ergo extendenda est ad peccata, quæ jam sunt remissa : hæc enim nos non redundat amplius D E O odibiles & inimicos. Dian. 5. p. tr. 13. R. 33. 6. unde, & 10. p. tr. 16. R. 30. & p. 11. tr. 8. R. 51.

21. Aliud est de peccatis venialibus; hæc enim, ut gratiam non tollunt, ita etiam necesse non est, ut omnia simul per contritionem delectantur: possunt ergo quædam eorum remitti, ut tamen alia remaneant: Navar. c. 1. n. 26. Reginald. l. 5. c. 4. n. 42. Imò nec veniale peccatum ullum remittitur illi, qui vigenter ad id affectum retinuerit. Et hæc causa est, quod, cum vix quisquam sit, in quo non perseveret vigens ad nonnulla peccata venialia affectus, rarissime indulgentiarum, etiam plenariarum, acquitacione poena omnis temporalis (quod aliqui plenarijs indulgentijs tribuitur) extinguitur; non quidem ex earum causa, sed defectu capacitatris hominum, quem viva voluntas ad quocunque etiam veniale peccatum inducit. Quare id enitendum est, ut contritio, quæ se ad omnem culpam, quantumvis levem, extendar, eliciatur.

ARTICULUS V.

De Varietate, & Efficacia Contritionis.

Ex dictis haec tenus constat, dolorem ad Sacramentalem Confessionem requirsum generatim & formalissime constitere in detestatione peccati, quod D E I sit offensivum; & eliciendum esse de peccatis commissis omnibus (si quidem mortalia fuerint) tam de ijs, quæ post accuratum examen in memoriam redi-

runt, quam de ijs, quæ eandem subter fugerunt.

22. Est autem ejusmodi dolor duplex; perfectus unus, qui retento sui generis nomine vocatur Contritio: alter imperfectus, qui vocatur Attritio. Differunt hi duo dolores partim in objecto formaliter seu motivo proprio; partim in effectu. Nam objectum formale contritionis est peccatum, quatenus est offensia D E I, super omnia dilecti, non alio quam amicitiæ amore, ut supra n. 10. est explicatum: si ergo doleas, aut detestaris peccatum propter D E U M purè propterea, quod ei dispiceat, aut malum ejus sit, & sic quasi nauseam aliquam & molestiam pariat, erit Contritio. Objectum vero formale attritionis est quocunque aliud ex enumeratis supra n. 8. Si ergo doleas propter teipsum, quia peccatum tibi nocet, animam decurpat, iram D E I provocat, poenam leuæternam leu temporalem à D E O infligendam meretur, bonis æternis & temporalibus privat, erit Attritio. Consequenter contritio erit actus amoris D E I; attritio amoris nostri; ejusdem enim virtutis est, bonum alicui velle, & de malo ipsius dolere. Laym. l. 5. tr. 6. c. 1. n. 4. Bonac. D. 5. q. 5. f. 1. p. 4. n. 11. & alij. Paucis ergo, & ad caput vulgi, Contritio sic describi potest ex Thoma Zerola in practica Pœnitentiae cap. 8. Est detestatio peccati propter offendam D E I; Attritio vero sic: est detestatio peccati propter aliquid malum aut incommode nobis inde proveniens.

23. Jam si & effectum Contritionis & Attritionis consideremus, maximum discrimen inter utrumque istum actum intercedere deprehendemus: nam per con-

tritio-

tritionem statim omnia peccata mortalia, etiam extra Pœnitentia Sacramentum, delentur, atque adeo homo in gratia DEI constitutus; sicut DEUS promisit apud Ezechiem cap. 33. v. 12. impietas impij non nocebit ei, in quacunque die conversus fuerit ab impietate sua: sed ista conve[n]tio sit per Contritionem perfectam. Et hoc est certum apud omnes; &

24. Notandum bene ijs, qui repente mortis periculo obruti non habent facultatem confitendi: item ijs, qui propter administrationem vel receptionem alicujus Sacramenti debent esse in statu gratiae, & non possunt, aut etiam non volunt confiteri, sicut non tenentur, nisi propter Eucharistiam recipientiam: item alijs, ne diu ha[er]eant in peccato, & tot bonorum operum, interim factorum, jacturam faciant, aut improvisa morte tollantur: quia quâ horâ non putamus, filius hominis veniet. Luc. 12. v. 40.

25. Nititur autem hæc efficacia Contritionis non tam in intrinseca ipsius aetate bonitate, quasi ex se & naturâ suâ vim habeat repellendi peccatum, & formaliter justificandi (ut nonnullis Scholasticis Theologis placet) quam ut Con[n]inch. D. 2. d. 4. n. 33. habet singulari DEI bonitate, & misericordia, & clementia, & Christi meritis, quorum intuitu DEUS hanc qualenacunque satisfactionem pro plena acceperat, ut promisit Ezech. 18. v. 21. si impius, inquiens, egerit pœnitentiam ab omnibus iniquitatibus suis, iniquitatum ejus non recordabor amplius &c. quem locum Theologi, sensum potius quam verba secuti, sic citare solent; quacunque hora inge-

muerit peccator &c. quæ in Veteri Testamento dicta sunt, multò magis locum habent in Novo; cum in hoc sit lex gratiae, faciliorem reddens viam ad cælum.

26. Nec minoris efficacie est Amor amicitiae erga DEUM: nam & hic habet vim peccata mortalia delendi, etiam extra caelum martyrij & Sacramenti. Sumitur id ex varijs Sacrae Scripturæ testimonijs. Nam Joan. 4. dicitur: si quis diligit me, diligeretur à Patre meo. Proverb. 8. Ego diligentes me diligo. DEUS autem peccatorem diligere non potest: siquidem odio sunt DEO impius & impietas ejus. Sap. 14. Hoc etiam confirmat illud 1. Petri. 4. Charitas operit multitudinem peccatorum: & illud Luc. 7. dimissa sunt peccata multa, quia dilexit multum. Quod omnium apertissime facit, quod 1. Joan. 3. v. 14. dicitur: scimus, quoniam translati sumus de morte ad vitam, quoniam diligimus fratres, scilicet propter DEUM, sive ex vera charitate erga DEUM: ubi expressè ipsi præcisè charitati translatio de morte ad vitam tribuitur: quod sane falso diceretur de eo, qui cum eliciisset verum, perfectum, & purum actum charitatis erga DEUM, adhuc tamen maneret in peccato: non enim hic, cum mortem adhuc in se retineret, posset dici translatus ad vitam. Et possunt hæc omnia ex eo majus accipere firmamentum, quod nemo possit DEUM super omnia diligere, qui hoc ipso non velit DEUM omnibus aliis, quæ DEUS non sunt, anteponere; in tali enim actu virtute continetur etiam dolor de peccatis: repugnat enim, ut ei, qui DEUM sic amat, adhuc placeat aliquid, quod DEO tam amabili displiceat, seu, ut non deteste-

detestetur id, quod DEO gratum non est. Et licet hoc non semper ita advertatur, tamen ita se habet; nemo enim, qui DEUM sic amat, ita constitutus est, ut si casus incidat, ut necesse sit vel DEUM offendere, vel magnum aliquid malum perpeti, aut magno aliquo bono carere, non potius hoc, quam illud eligat: v. g. nemo non mavult morbum aut mortem perpeti, quam illicitis & superstitiosis modis sanitatem aut vitam conservare; mavult lucrum iniquum amittere, quam modo illicito, usurario adipisci &c. ad hujusmodi autem jacturam præ inimicitia DEI, quam alioqui certò incursum esset per peccatum, ferendam paratus esse non potest, quin simul virtute detestatur peccatum, ceu malum displicens DEO. Nec refert, quod in ejusmodi casibus videatur DEUS præponi unitantum particulari bono; quia illud bonum non respicitur quæ tale, sed quæ contrarium & displicens DEO, & ideo virtute ad omnia alia extenditur. Et hæc est causa, quod amor DEI super omnia nomine Contritionis virtualis sortiatur, Navar. cap. i. n. 9.

27. Nihilominus tamen tam Contritioni, quam amori DEI super omnia annexa est obligatio, peccata, et si per alterutrum jam remissa sint, suo tempore confitendi: omnium enim causarum cognitionem Christus suæ Ecclesiæ commisit. Id quod ipsemet satis videtur indicare voluisse, cum leptosis jam mundatis nihilominus præcepit, ut se Sacerdotibus sisterent. Matth. 8. Luc. 17.

28. Sed, ut jam ad Attritionem revertamur, ea non tantum ex objecto formalí, de quo supra n. 22. sed etiam

ex effectu à contritione distinguitur: non enim illa extra casum Sacramentum Martirii sufficit ad gratiam per peccatum amissam recuperandam. Quæ est sententia Catholica desumpta ex Concilio Trident. sess. 14. c. 4. Virtus enim restituendi peccatorem in pristinum gratiae statum, attritioni non convenit ex natura rei (sic enim nec contritioni convenit) nec ex Divina promissione: de hac enim nec ex Sacris literis, nec ex Patribus aut Conciliis, nec ex consensu Doctorum quidquam constat: imò ex Concilio Trident. modo allegato contrarium claram est.

29. Verùm priùs, quam ulteriùs progediamur, investigandum paucis est, qua ratione gehennæ, aut cujuscunque alterius pœnæ à Divina Providentia in vindictam peccati infictæ timor, ex quo attritus nascitur, possit esse sufficiens dispositio, cum, quæ ex metu fiunt, videantur admixtum habere affectum, id, quod ex metu alicujus mali incurrendi deseritur, aut abjicitur, quantum est ex se, potius retinendi, quam abjiciendi: quod exemplo alicujus in naufragii periculo constituti declarari potest; hic enim mallet suas merces retinere, quam in mare jactare, licet eas omnino projiciat ex metu vita alijs amittendæ: sic qui attritus tantum est, detestatur quidem peccatum, sed tamen ita, ut si inferni pœna, quam alijs incursum efficeret, non foret, veller in eodem, quemodò ex metu deserit, statu permanere.

30. Utique hæc dispositio, si alia non sit, est pessima, & prolixus inidonea ad Sacramentum, seu validè, seu licet & fructuose recipiendum: repugnat enim, reconciliationem cum DEO per Sacramentum

mentum quærere, & tamen velle permanere in statu inimicitiae cum DEO: quod omnino vult, qui non aliter, quam priori numero dictum est & expositum, attritus est. Sed res longe aliter se habet, quam paucis sic accipe.

31. Metus, qui hominem à peccato abstinet, nascitur ex amore nostri pectorum sive concupiscentia, & procedit ab habitu seu naturali seu supernaturali, à quo spes procedit: quia eisdem virtutis est, bona prosequi & opposita mala fugere. Sicut igitur naturalis amor nostrus inclinat, ut amemus bonum nostrum naturale, v.g. panem quotidianum; ita timor ex eo ortus inclinat ad fugienda mala ei adversantia. Item sicut spes supernaturalis impellit nos, ad amandam nostram supernaturalem felicitatem, ita timor ex ea ortus ab omnibus, quae ei adversantur, nos avertit.

32. Ceterum potest sic spectatus timor adjunctos habere varios actus. I. qui ex metu operari, potest ita esse constitutus, ut abstineat quidem à peccato, seu deterretur illud; tamen nisi gehenna esset, à peccato nec desisteret, nec illud deterretur: & hic metus propter admixtum tam perversum affectum utique malus est, quia charitati divinae contrarius est; vocaturque verè servilis, & ut monstratum est, ad Sacramentum est prorsus inidoneus. II. Potest metus ille ita concipi, ut cupiamus quidem à peccato abstinere, non tamen nisi quia poenam ob id ab hominibus, non autem à DEO, infingendam metuimus. Et hic metus Mundanus vocatur, & ipse quoque malus est; quia peccatum etiam ad talam poenam evitandam non potest esse

medium aptum. III. Potest idem metus ita concipi, ut eo motifus fugiamus & detestemus peccatum, non præcisè quia ob id reatum poenæ, sive à DEO, sive ab hominibus infligendæ, incurrimus, de cetero parati ad peccandum; sed quia DEUM, seu Dominum nostrum, & amansissimum nostrum Patrem reveremur & amamus, & idcirco metuimus, ne cum offendamus, & indignationem apud eum incurramus. Et hic timor filialis appellatur, de quo loquitur Tridentinum, vocans eum Donum DEI, & Spiritus Sancti impulsum, nondum quidem inhabitantis per gratiam, sed moventis ad pœnitentiam, ex qua justi siamus coram DEO. Quæ ut ad facilem etiam rudiorum captum aptiora sint.

33. Advertendum est, objecta, ad quæ amplectenda metus nos cogit, nobis quandoque esse ingrata & molesta; sic homini naufrago & amantis suas merces valde dura est & gravis earum in mare projectio: alia verò grata & jucunda, vel certè nullam molestiam aut difficultatem secum trahentia; ut si quis mihi mortem minetur, nisi ad famem pellen- dam comedam cibum, alioqui mihi suavem & gratum, aut nisi parùm ambulet, cum tamen in ea ambulatione nullam habeam molestiam aut repugnantiam. Quod si metus determinet ad objectum prioris generis, tunc oritur aliqua voluntatis resistentia, volentis, si quâ ratione posset, illud potius retinere, quam ob malum imminens evitandum dimittere. Quando verò objectum ex metu deserendum est posterioris generis, tunc nulla intervenit volitio tendens in objectum oppositum illi, quod quis ex metu

metu amplectitur, sed metus est potius nova ratio boni de novo attrahentis ad objectum. Sic in attritione objectum, quod per illam dimittendum est, est peccatum: & ad hoc pia & DEO devota anima nullum sentit affectum, sed potius illud aversatur, quod DEO sit contrarium: & idcirco si gehennæ aut alterius pœnæ, à DEO infligendæ, metus ad illud deferendum nos permoveat, nulla in hoc metu est inordinatio, nulla erga peccatum complacentia, etiam simplex tantum, nulla propter illud deferendum tristitia aut tergiversatio, multò minus affectus, etiam conditionatè tantum efficax, de peccato mortali commisso aut committendo: affectus enim talis erga peccatum grave est peccatum grave; & tristitia de peccato deferendo peccatum est, & adversatur timori, quem filius morigerus debet suo charissimo patri. Sed hæc de attritione satis, & ultra propositum paulò fisiū: ad id verò compulit necessitas, ut exacta attritionis haberetur notitia, quam difficultem & operosam reddere potuit, quod *supra n. 29.* propositum est.

ARTICULUS VI.

Qualis dolor requiratur ad Sacramentum Pœnitentiae?

34. Certum & Catholicum dogma est, ad Confessionem Sacramentalem recte obeundam, requiri aliquem dolorem, ut *supra n. 2.* vidimus, Suar. D. 20. f. 3. n. 8. Sed qualis ille? attrito, an verò contritio, quam ad distinctionem prioris cum addito solemus vocare perfectam. Et hanc quidem ad Confessionis

Sacramentum sufficere, non est dubitandum, cùm etiam extra illud sufficiat ad peccatorem DEO reconciliandum. Eam autem ad ejusdem Sacramenti valorem determinatè requiri, sententia est nullo modo probabilis, imò erronea, vel certè periculosa in fide juxta Suar. D. 20. f. 1. n. 10. Sed nec attritio determinatè ad eundem valorem requiritur, cùm abunde sat sibi contritio. Itaque alterura est necessaria, fere perinde, ut Philosophi solent dicere, alterutrum oculum, sinistrum vel dextrum confusè, neurrum determinatè, necessarium esse ad videntium.

35. Itaque qui confiteri cogitat, debet, si nolit contritionem, elicere ad minus attritionem, ad quam specialiter, præter ea, quæ art. 4. de *qualitatibus doloris*, diximus, requiritur. I. ut sit vera; non merè, licet etiam invincibiliter existimata. Bonac. D. 5. q. 5. f. 1. p. 5. n. 6. Suar. D. 20. f. 3. n. 6. & 16. Coninch. D. 4. d. 5. n. 40. Fill. rr. 7. c. 6. n. 152. & alii. Confessio enim, ut est pars hujus Sacramenti, debet esse stiuplius accusatio, non qualiscunque, sed tendens ad reconciliationem cum DEO: atqui nulla est talis, nisi per eam significetur, peccatorem sui peccati ita pœnitere, ut ei peccatum possit per Sacramentum remitti, ergo ut Confessio possit esse pars Sacramenti, debet significare, peccatori inesse dolorem, qui sufficiat ad fructum Sacramenti percipiendum, & consequenter, ne sit falsum signum, debet peccatori inesse talis dolor. Ad hæc, si dolor, quamcumque alias bona fide existimetur adesse, verè tamen desit, desit una pars Sacramenti, & consequenter

hoo